



Publicaziuns dalla vischnaunca, jamna 35

Cussegl da vischnaunca

Rapport dalla seduta dils 28 d'uost 2017

En sia seduta dils 25 d'uost 2017 ei il cussegl da vischnaunca sut il tgamun da Christoph Berger se-fatschentaus cun il futur dil Center da sport e cultura Acla da Fontauna. Avon la seduta han ils com-members dil cussegl da vischnaunca saviu prender envesta dalla infrastruttura da far glatsch dil Cen-ter da sport e cultura (CSC). Gerau Clemens Berther ha dau ina vasta informaziun sur dil studi fatgs dalla HTW Cuera davart il nez dil CSC per nossa vischnaunca. Il Center da sport e cultura ei carschi-us ad in impurtont e bein frequentau liug da sentupada da renum regional. Oz surveschan las localit-ads ad occurrenzadas da sport, cultura ed economia sco era allas scolas ed uniuns. Il CSC ei era in zun impurtont element dalla purschida turistica sisum la Cadi. En sia secunda etappa da construcziun all'entschatta dils onns 1990 ei denter auter era vegniu erigiu ina piazza da glatsch artificial. Il davos temps ein la cumissiun da menaschi CSC sco era la suprastonza communal seprofundai els studis dil CSC. La cumissiun CSC ha plinavon incaricau la HTW Cuera (scol'aula da tecnica ed economia) da sclarir il nez dil menaschi dil CSC. Il resultat ha purschiu in'otra vesta sin las sanaziuns previdas ed ha animau da buca accelerar memia zun las lavurs da projectaziun. Tenor la HTW eis ei gest en vesta als gronds projects che stattan ils proxims onns sin rucca en vischnaunca da far investiziuns bein ponderadas. Il glatsch ei ina purschida custeivla che la suprastonza communal ei dil meini da mantener vinavon. Sche nus lein vinavon porscher in glatsch artificial, basegna ei ina maschina nova per schubergiar igl indrez. L'actuala maschina da schubergiar glatsch ha 49 onns. Quella maschina ha caschunau onn per onn gronds cuosts da manteniment. La cumissiun CSC ha era sclariu in'alternativa da cumprar in sistem cun material sintetic cun plattas semeglient sco in glatsch. Quei sistem drova negina energia. Igl ei vegniu retschercu informaziuns sur dils cuosts sco era la cuntent-tientscha. Ils cuosts per cumprar quei sistem da glatsch sintetic custass en la grondezia da 1600 m2 ca. frs. 432 000.–. Naturalmein ch'era quei sistem basegna manteniment e pretenda controllas sco era il rumir neiv.

Disavantatgs d'in glatsch ord material sintetic:

- schubergiar las plattas
- smular las plattas
- treis gadas pli gronda resistenza cun patinas che sin in glatsch normal
- buca pusseivel da dar curling
- negin art sin quei glatsch sintetic
- negina attracziun

Avon la decisiun ha il cussegl da vischnaunca menau in'extendida discussiun da principi e decidiu unanimamein da mantener ad interim in glatsch artificial el CSC, malgrad che quel vegn mai a caschunar gudogn en cassa communal. Igl ei ina purschida en favur da vischinas e vischins sco era dils hospis. Plinavon ha il cussegl concediu cun 14 encunter ina vusch in credit net da frs. 155 000.– per remplazzar la maschina per l'elavuraziun dil glatsch artificial.

Suprastonza communal

Cartas da viagiar dil di

Adattaziun dil prezi

Damai che las Viasfier federalas svizras han augmentau ils prezis, essan era nus sfurzai d'augmentar naven dils 1-9-2017 il prezi per las cartas dil di sin niev **frs. 45.–** per carta. Per tarmetter las cartas cun posta vegn sco entochen dacheu quintau frs. 5.–.

Bien engraziament per Vossa capientscha e bien viadi.

Administraziun communal



Controlla da habitonts

Naschientscha

Arjan Bajraktaraj, naschius ils 23 d'ust 2017, fegl dad Eldonita ed Agim Bajraktaraj

Clom d'urgenza 118

Preziadas vischinas, preziai vischins

Onn per onn dat ei cass en nies cantun nua ch'ils pumpiers vegnan clamai memia tard sil plaz da seracass. Savens emprovan habitontas e habitonts da cuntonscher pumpiers ch'els enconuschan via telefon privat.

Il temps che va aschia a piarder ha ils davos dus onns caschunau la veta a duas personas el Grischun! Plinavon daventan ils donns cun mintga minuta spiarsa pli gronds. Perquei s'adressesin nus a Vus cun ina ferventa supplica: clamei ils pumpiers mo sur il clom d'urgenza 118. Era sche Vus veis mo in pign problem sa il polizist che pren encunter Vies telefon reagir aschia che mo ina pintga gruppa d'agid ni singulas personas vegnan clamadas. Ulteriuras informaziuns era davart la prevenziun anfleis Vus sin nossa pagina d'internet: www.pumpiers-sursassiala.ch.

Engraziel per Vies sustegn!

Vos pumpiers Sursassiala

Der Politologe Michael Hermann im Disentiser Klosterforum

Am **Dienstag, 5. September 2017**, um 20.30 Uhr spricht im Peter-Kaiser-Saal der bekannte Politologe Dr. Michael Hermann über das Thema «Was die Schweiz zusammenhält».

Uniun da dunnas

Tschupi d'atun

Nus tschaffain igl atun cun tut sia splendor. Cun flurs atunilas, puma e jarvas sechentadas arranschein nus in tschupi per portas ni meisas.

Datum: **venderdis, ils 15 da settember 2017** dallas 19.00–ca. 21.00 ni **sonda, ils 16 da settember 2017** dallas 9.00–ca.11.00

Liug: casa da scola a Segnas
Menadra: Luzia Jacomet-Frey

Annunzias entochen gliendisdis, ils 11 da settember 2017 tier Nadja Hosang, 078 673 83 11, nadja.hosang@gmx.ch, il diember da participontas ei limitaus. Ulteriuras informaziuns sut: www.uddm.ch

Herbstkurs

Wir fangen den Herbst in seinen schönsten Farben ein. Mit Herbstblüten, Beeren und Kräutern, welche sich gut trocknen lassen, arrangieren wir einen Kranz für Tür oder Tisch.

Datum: **Freitag, 15. September 2017**, 19–ca. 21 Uhr oder **Samstag, 16. September 2017**, 9–ca.11 Uhr

Ort: Schulhaus Segnas

Kursleitung: Luzia Jacomet-Frey

Anmeldungen bis Montag, 11. September 2017, bei Nadja Hosang, 078 673 83 11, nadja.hosang@gmx.ch, Teilnehmerzahl beschränkt. Weitere Infos: www.uddm.ch



Uniun da gymnastica da dunnas Mustér

Nus entschevein puspei cun nossas uras da gymnastica:

Gievgia, ils 31 d'uoost 2017 – Adatg: novas uras!

Gruppas gymnastica e 50+: allas 19.15

gruppa bal da reit: allas 19.00

Frauenturnverein Disentis

Wir beginnen wieder mit unseren Turnstunden:

Donnerstag, 31.8.2017 – Achtung: neue Zeiten!

Gymnastik und 50+: 19.15 Uhr

Gruppe Netzball: 19 Uhr

Uniun da dunnas

Annunzia fiera da Nadal 2017 – Da cuminonza el futur Prezias expositurs, las uniuns da dunnas da Disentis/Mustér/Tujetsch e Medel ein sedecidas d'organisar comunablamein la fiera da Nadal. La fiera vegn organisada alternont en ina dallas treis vischnaucas. L'organisaziun schai mintgamai els mauns dall'uniun da dunnas dalla vischnaunca nua che la fiera ha liug.

Uonn ha la fiera liug **sonda, ils 25 da november 2017**, dallas 13.30–20.00 a Disentis/Mustér e vegn organisada dall'uniun da dunnas Disentis/Mustér.

Sin Voss'annunzia entochen sonda, ils 23 da settember 2017 selegra l'uniun da dunnas Disentis/Mustér, Rita Huonder-Tenner, Via Clavaniev 1, 7180 Disentis/Mustér. Telefon 081 947 44 74 (la sera), 076 559 44 74 ni e-mail rita.huonder@bluewin.ch

Uniuns da dunnas

Disentis/Mustér, Tujetsch e Medel

Sentupada culs Ladins dallas Dolomitas a Mustér

Sonda, ils 9 da settember 2017 caschun da visitar ils luvratoris en halla Cons.

Dumengia, ils 10 da settember 2017 allas 9:30 survetsch divin en baselgia S. Gions.

Suenter ils survetsch divin sentupein nus en halla Cons tier in gentar cun program da recreaziun.

Cordialmein envida Vus il Forum Intercultural Mustér FIM

Entschatta da trenament d'unihoc da juniors e junioras a Mustér ils 28-8-2017

Juniors A (2000–2003): Gliendisdis 20.30–22.00

Junioras (2002–2006): Gliendisdis 18.15–19.45

Juniors C (2004–2006): Gliendisdis 18.15–19.45

Kids (2007–2010): vegn communicau el decuors dil settember.

UHC Desertina Bulls Disentis/Mustér



Mats, la miur, viseta la piazza da giug

Nus raquitein historias pils affons pigns, **mardis, ils 5-9-2017** allas 14.30 sin la piazza da giug dil center da sport a Mustér. L'occurrenza ha mo liug da bial'aura.
Nus selegrein sin tia viseta!

*Mats ed il team dalla Biblioteca populara
Disentis/Mustér e contuorn*

Exercezi extraordinari dallas uniuns samaritanas Ursera, Tujetsch e Mustér sil Pass digl Alpsu

Mesjamna, ils 6 da settember 2017

Rimnada: allas 18.30 avon halla Cons

Equipament: resti cauld, buns calzers ed ina cazzola da sac. Igl exercezi ha liug da tutt'aura. Suenten igl exercezi sesin nus aunc tuts ensemen tier in sitg. Sperond sin ina stedia participaziun salida cordialmein

Uniun samaritana Mustér, menadra tecnic

Cuors BLS-AED-SRC

L'uniun samaritana Mustér organisescha il cuors da reanimaziun BLS-AED-SRC. (Reanimaziun cun applicaziun dil defibrilatur automatic)

Sonda, ils 16 da settember 2017, 13.30–17.30

Liug: Casa da scola Mustér

Annunzias: Ein da far entochen ils 10 da settember tier Martina Giger, tel. 079 299 36 13 e-mail: martina.casanova@gmx.ch

UHC Desertina Bulls Disentis/Mustér

Desertina Kids – Entschatta da trenament d'unihoc dils a Mustér, ils 6 da settember 2017

Kids (2007–2010): Mesjamna, 18.15–19.45.

Yoga ni gimnastica dalla damaun a Mustér

Ina menadra ed in menader da Yoga sco era ina menadra da gimnastica sebrattan da porscher yoga ni gimnastica ad in e scadin che ha tschaffen ed interess. Naven dils **12 da settember 2017 entochen la fin d'avrel 2018** purschin nus in'ura da beinstar per tgierp ed olma. Nus s'entupein mintga **mardis dallas 8.30–9.30 en halla Cons** a Mustér. Igl ei denton era pusseivel da visitar mo singulas lecziuns. Tier mintga participaziun ei da contribuir ina pintga indemnizaziun per cuvierer ils cuosts. Sin bien seveser e cordial beinvegni a tuts interessai.

Las organisaturas, il menader e las menadras

Yoga oder Morgengymnastik in Disentis

Eine Yogaleiterin und ein Yogaleiter sowie eine Gymnastikleiterin erteilen abwechslungsweise eine Stunde Yoga oder Gymnastik. Vom **12. September 2017 bis Ende April 2018** bitten wir Frauen und Männern, Jungen und Alten, Einheimischen und Auswärtigen eine Wohlfühlstunde an. Wir treffen uns **jeden Dienstag von 8.30–9.30 Uhr in der Turnhalle Cons** in Disentis. Man kann alle oder nur einz-



elne Lektionen besuchen. Bei jeder Teilnahme ist ein kleiner Beitrag zu entrichten, um die anfallenden Kosten zu decken. Wir heissen alle Interessierten herzlich willkommen

Die Organisatorinnen, der Leiter und die Leiterinnen

Uniun da dunnas Disentis/Mustér

Fiera da resti d'affons cun stiva da caffè

Buffet da pettas e per ils affons in cantun da termagliar!

Nus prendein encunter bien, schuber ed entir resti da stad e d'unviern tochen grondezia 176, vest-gadira da gravidonza, termagls, calzers, sezs d'autos e da meisa, crotschas, velos, capellinas, skis, scarsolas eav. Dunnas che drovan ina nova numera ni han damondas, san prender si contact cun Rosmarie Duff, tel. 081 936 41 14.

Dar giu resti: Venderdis, ils 22 da settember 2017 dallas 16.30–17.00 en halla Cons, Mustér

Adatg: per plascher mintga grondezia da resti separau en ina tastga!

Niev: Dei giu per plascher vies uorden tier nies punct da rimnada avon halla Cons.

Vendita: Venderdis, ils 22 da settember 2017 dallas 19.00–21.00 e sonda, ils 23 da settember 2017 dallas 9.00–10.30 en halla Cons, Mustér.

Retuorn dil resti buca vendiu e pagament (minus 20%): Sonda ils 23 da settember allas 12.30–12.45. Per uorden che maunca savein nus surprender negina responsabladad.

Kinderkleiderbörse mit Kaffeestube

Kuchenbuffet und für die Kinder gibt es eine Spielecke!

Wir nehmen gut erhaltene, saubere und ganze Sommer- sowie Winterkleider bis Grösse 176 entgegen, Schwangerschaftskleider sowie Spielsachen, Schuhe, Auto- und Tischsitze, Kinderwagen, Velos, Helme, Ski, Schlitten usw. Frauen, die eine Nummer brauchen oder Fragen haben, können mit Rosmarie Duff, Telefon 081 936 41 14, Kontakt aufnehmen.

Annahme: Freitag, 22. September 2017, von 16.30–17 Uhr in der Turnhalle Cons, Disentis

Achtung: Bitte jede Kleidergrösse separat in eine Tasche!

Neu: Bitte gebt eure Sachen an unserem Sammelplatz vor der Halle ab.

Verkauf: Freitag, 22. September 2017, von 19–21 Uhr und Samstag, 23. September 2017, von 9–10.30 Uhr in der Turnhalle Cons, Disentis.

Auszahlung (abzüglich 20%) und Rückgabe: Samstag, 23. September, von 12.30–12.45 Uhr. Für fehlende Sachen können wir keine Haftung übernehmen.

Nus selegrein sin vossa viseta.

*Uniun da dunnas Disentis/Mustér,
gruppa d'organisaziun fiera da resti*
